

**Programma Quo Rector Universitatis Rostochiensis Henricus Müller/ Theologus  
Doctor & Professor Ordinarius ... Ad Exequias Quas Matronae Honestissimae  
Margaretæ Lobecken ... Dn. M. Johannis Steinii, Ministerii Rostochiensis  
quondam Senioris & ad div. Nicolai Pastoris ... relictæ Viduæ Matri suæ  
desideratissimæ Liberi moestissimi paratas cupiunt Omnium Ordinum Cives  
Academicos ... invitat : P.P. Sub Sigillo Rectoratus d. 9. Martii Anno M DC LXVI**

Rostochi[i]: Kilius, 1666

<http://purl.uni-rostock.de/rosdok/ppn770852556>

Druck Freier  Zugang



Müller, H.

in

**M. Lobeck,**

uxor. J. Stein.

Rostock. 1666.

44







PROGRAMMA

QVO  
RECTOR

UNIVERSITATIS ROSTOCHIENSIS

HENRICUS Müller /



Doctor & Professor Ordinarius, ad  
div. Mariæ Pastor

Ad  
Exeqvias  
Qvas

MATRONÆ HONESTISSIMÆ

MARGARETÆ  
ROBECKENI

*Viri pl. Rev. & Praclarissimi*

DN. M. JOHANNIS STEINII,

Ministerii Rostochiensis quondam SENIORIS &  
ad div. Nicolai Pastoris meritissimi, nunc BEATI  
relictæ Viduæ

Matri suæ desideratissimæ

Liberi mœstissimi paratas cupiunt

Omnium Ordinum Cives Academicos  
seriò & peramanter invitat.

*P. P. Sub Sigillo Rectoratus d. 9. Martii,*

*Anno M DC LXVI*

ROSTOCHI,

Typis JOHANNIS KILII, Acad. Typogr.



Um in dilectæ suæ laudibus totus hæret Sponsus Salomonæus, inter alia staturam commendat his verbis : קומתך דמתה לתמר, hoc est, ut Vulgatus & Pagninus sic satis bellè exprimunt; *Statura tua assimilata est palma.* LXX vertunt; *μεγεθος σου ὡμοιωθη τῷ φοίνικι* Aquila; *ἀνάστασις*, *exsurrectio.* Symmachus; *ἡλικία*, *etas.* Eodem omnia recidunt

& conjuncta se mutuò juvant ad pleniorè interpretationem. Palmetis fertilem exstitisse Palæstinam, & imprimis seu planitiem seu colles Engadditanos memorat Josephus lib. IX Antiq. c. 1. ubi de urbe Engaddi loquutus inquit; *γενῶσαί ἐσὶ αὐτῇ φοῖνιξ ὁ κἀλλιστὸς, καὶ ὀμβράλαιμον, cujus tractus egregia palmeta ἔσ' opobalsamum producit.* Similia habent Hieronymus in Epitaph. S. Paulæ, & ad c. XXVII Ezech. Strabo l. XVII. Aristæas in Hist. LXX Interpp. Egesippus l. IV de excid. Hieros. c. 17. Diodorus Siculus l. XIX Biblioth. Solinus c. XXXVIII Plinium secutus, qui universim de regione l. XIII, c. 4. ait; *Judæa verò inclitya est vel magis palmis.* Hinc apud Lucanum libr. III.

*Gazaq, ἔσ' arbusto palmarum dives Idumæ*  
Virgilium init. III Georg.  
*Primus Idumæas referam tibi Mantua palmas*  
& Silium Italic. lib. VII

Victoria

*Victoria nostra*

Cypron Idumæas referat de Pallade palmas,  
Et quidem sublimes erant præ aliis regionis hujus palmæ ac  
quæ in aëra rectâ tenderent elevatis cacuminibus ad multam  
altitudinem, ut Plinius l. c. adstruit & cum ipso Isidorus l.  
XVII Orig. c. 7. jam verò ad fœmineæ pulcritudinis orna-  
mentum id cumprimis spectat, ut procera videantur statu-  
ræ; quare, ut eminere judicarentur, *subere calceos attollebant*,  
ut refert Clemens Alexandrinus lib. III Pædag. c. 2. & depre-  
catur Phaonem Sappho in Ovidianis Heroidibus,

*Ne me despicias, si sum tibi corpore parva,*  
Solent etiam Poëtæ, cum nobilior matrona & aliarum domi-  
na Virginum incedit stipata comitatu id ei tribuere enco-  
mii, quod cæteris excelsior superemineat cunctis. Ita Virgi-  
lius Dianam lib. I. Æneid. depingit;

*Quam mille segvute  
Hinc atq; hinc glomerantur Dreades; illa pharetram  
Feri humero, gradiensq; Deas supereminet omnes.*  
Et Homerus de Latona lib. VI Odyss.

*Πασίων δ' ὑπερήχε κῆρυ ἔχει ἴδὲ μέτωπα.*  
*Omnes verò ipsa capite supereminet atq; fronte.*  
Nostro, quem premimus, Textui convenientius nihil quam  
Theocriti Helena, quæ Idyl. 18 laudatur ob proceritatem,  
comparaturq; cupresso Sponsa, quemadmodum hic palmæ  
adsimilatur. Postquam enim eam exorienti comparaverat  
auroræ, subdit;

*Sic Ἔ aurea Helena elucebat inter nos*  
(staturæ nempe altitudine superabat omnes genialis Pompæ  
socias virgines,)

*Ampla, procera; qualis sulcus in arvis exurgit,  
Aut in horro cupressus, aut in cursu Thessalonicus equus.*  
Hanc igitur ad normam, ut supra reliquas formæ doctes intel-  
ligamus



*Palmititis  
comparatio*

ligamus etiam mensuram corporis Sponsæ perfectam esse, palmae sublimi & erectæ in sylvis arbori ejus *תמוז* s. *ἀνάστασις* s. *exsurrectio* & *statura* comparatur. Missa litera, quid mystici sub verbis Dilecti lateat ponderandum nunc nobis est. Non unæ hic Veterum occurrunt meditationes. Ambrosius, *Palma*, inquit, *virens semper manet, conservatione & diuturnitate, non immutatione foliorum.* Nam quæ primò germinaverit folia, ea sine ulla substitutionis successione conservat. Imitare ergò eam, ô homo, ut dicatur & tibi; *statura tua similis facta est palma. Serva viriditatem pueritiae tuae, & illius innocentiae naturalis quam à primordio recepisti, ut plantatus secus decursus aquarum, <sup>no</sup> u-*ctum habeas in tempore tuo *preparatum, & folium tuum non defluat.* Aliter Gregorius lib. XIX. Moral. c. 6. *Palma dum crescit, deorsum stringitur & sursum dilatatur; sic sancta anima ab imis ad minima incipit, & paulatim ad majora crescendo usque ad amplitudinem perfectæ charitatis pervenit. Nemo enim, sicut scriptum est, repente fit summus. Et postea: Potest tamen per palmam crux Christi intelligi. Palma enim in sublime valde crescens, dulcissimos fructus gignit: & crux Christi cœlestem nobis cibum preparavit. Cui statura Sponsæ assimilatur, quia pro Christo mori non dubitat, quisquis Christum valde diligens dignè imitatur.* Non ineleganter tres Patres apud Delrionem ad h. l. *Tua ex virtute sublimitas assimilata est palma, quæ radice haud ita in profundum tendit, sed vertice sublimis admodum attollitur. Tu item de rebus terrenis leviter cogitans, quantum corporis necessitas urget, mentis altitudine celos attingis, cum ad mensuram ætatis plenitudinis Christi perveneris.* Plures plurium sententias, si placet, vide sis apud Corn. à Lapide, Delrionem, Tuccium, Sherlogum, Salazarem, de Ponte, Jansenium, Mercerum & innumeros alios. Mihi præ reliquis placet illa quam Beda affert ad h. l. *Statura Sponsæ, inquit, assimilatur palmae, quia palma in inferioribus aspera videtur, in summo autem pulchritudinem & fructus sva-*  
*pitatem*

vitatem ostendit: meritò huic statura assimilatur ecclesia, sive anima cujusq; fidelis, quæ asperos pro Domino portat in terra labores; aspera est palma juxta terram, quia persecutionem patiuntur propter justitiam electi: pulchra est & dulcis in summo, quia gaudent in pressuris & exultant scientes, quoniam merces eorum copiosa est in cælis. In Palma ergò nobis & hujus vitæ quasi adumbratur tristitia & futuræ latitia. Palma enim inferius & quæ proximè terram contingit, horrida deformisque est, nihil habens quod oblectare possit; ubi in æthera assurgit, & Olympum cacumine excipit, vernans est, spatulisque ac fructibus s'avis atque jucunda: ita justorum, quæ in terris est, conversatio misera est atque infinitis vexata laboribus; in coma arboris, h. e. in cælestibus gaudium & exultatio. Experitur hanc status vicissitudinem BEATA nostra MARGARETA, quæ cum bellè adeo actum, ut misera cum esset multorum judicio & suo ipsius sensu, in primis ex quo ærumnosum viduitatis onus sustinuit, nunc felle in mel merum commutato, albis induta palmisque exornata victricibus, æterna fruatur felicitate. Nata est Matrona honestissima in hac ad Varnum civitate Anno restauratæ per Christum salutis *MDCXCIII*. Patrem nacta pl. Reverendum & Amplissimum Dn. DAVIDEM LOBECHIUM, Theologum Doctorem & in hac Academia Professore, ut & ad div. Jacobi Archidiaconum, Virum de Ecclesia & Academia egregiè meritum, DAVIDIS Lobecken/ Civis atq; Mercatoris apud Hamburgenses primarii, filium. Matrem URSULAM Schacht/piissimam ac ornatissimam fœminam, celeberrimi Theologi B. D. VALENTINI Schacht/Professoris in hac Academia & ad div. Jacobi Pastoris meritissimi filiam. His parentibus Majoribusque cum orta esset, mox per sacram aquam regenerita, atque ita cœlo dicata est NOSTRA. Parentes optimi eam à primis inde annis non equidem cu-

tem falso medicamine polluere, non genas purpurisso ocu-  
losve cerussa pingere, non Amadisi pestilentem & ad infi-  
ciendum natum librum avidè perlegere, sed JESUM agno-  
scere, agnitum amare, amato inservire ex animo & verbis  
docuerunt & exemplis. Nec curæ quicquam in formanda ri-  
tè atque educanda filia remisit pia Mater, postquam, orbata  
per mortem LOBECHIO suo, ad secunda vota transiens  
in torum venit Viri Reverendi & Clarissimi M. PETRI  
HINCKELMANNI, Ecclesiastis Jacobæi vigilantissimi,  
quin potius, adhibitâ mariti, (qui nomine Vitricus re ipsa Pa-  
trem se exhibebat benevolum beneficumque,) opera, ut pie-  
tatis cœterarumque virtutum virginalium in ea promotum  
iret incrementum nullum non movit lapidem. Quo fa-  
ctum, uti cum anni advolarent nobiles, Anno M DC XVI  
amplexusejus castos ambiret & exambiret Vir pl. Reveren-  
dus & Præclarissimus M. JOHANNES Stein/ Diaconus  
tunc temporis Nicolaitanus, dehinc ejusdem Templi Pa-  
stor & per multos annos Reverendi Ministerii SENIOR at-  
que PRÆSES laudatissimus, Collega & in Christo Frater  
quondam conjunctissimus, nunc eheu! desideratissimus,  
Vir sine felle, sine fuce, & ut paucis multa dicam, IPSA VIR-  
TUS, IPSE CANDOR. Conjugium hoc per annos XLVII pa-  
catum fuit nec infœcundum. NOSTRA enim, benedicen-  
te Celo, Maritum suum novem liberorum parentem fecit,  
filiorum scilicet quatuor, filiarumque quinarum, ANNÆ, DA-  
VIDIS, URSULÆ I, CHRISTINÆ, MARGARETÆ, JO-  
HANNIS, VALENTINI I, VALENTINI II, URSULÆ II.  
Quatuor horum teneriori statim ætate diem obiêre, pluri-  
umque adeò numero adscripti sunt. JOHANNES, Gryphis-  
valdia redux, cum in excolenda literatura bona occupa-  
retur totus, præpropere abreptus fato, non sine ingenti Pa-  
rentum cordolio, vivos inter esse desuit. ANNA superstites  
inter

inter filias natu maxima Anno *MDCXL* PETRO Rüstern/  
Civi ac Cerevisiario nuptum data BEATAM nostram 7. fili-  
orum & 3. filiarum aviam fecit. Filiorum natu maximus DA-  
VID, iudicii oppidani, quod est Sverini, Secretarius, adscita sibi  
*Anno MDCXLVI* tori socia foemina lectissima ANNA Berg-  
manns/ Beati *Danckeri*, institoris, dum viveret, Gustrovien-  
sis superstite vidua, post decennium elapsum, Anno 1658. na-  
tura debitum exsolvit, nullis post se relictis haeredibus. Filia-  
rum altera MARGARETA Anno *MDC L* in torum veniens  
Viri pl. Reverendi & Praeclarissimi B. M. THEOPHILI Groß-  
gebahren/ Diaconi ante paucos annos ad div. Jacobi bene-  
merentissimi, Viri bonis omnibus desideratissimi, BEATAM  
nostram tribus locupletavit nepotibus neptibusve totidem.  
Promiserat sibi abs felicissimo hoc Conjugum pari levaminis  
multum, multumve solatii BEATA nostra, sed avocato Anno  
*MDC LXI* per mortem utroque & caelitibus annumerari coe-  
pto spe omni, non sine ingenti animi consternatione,  
excidit. Erexit tamen animum, novoque spei robore sufful-  
civit matrimonium, quo Filius ejus VALENTINUS II Ci-  
vis heic loci ac cerevisiarius industrius, Vir plane eximius,  
Deoq; devotissimus Anno *MDC LXII* sibi junxit emendatissi-  
mi exempli foeminam, quam si ipsam PIETATEM vocites,  
vix pecces, DOROTHEAM Prigbaurin / B. BERNHARDI  
BALTHASARIS Scharffenberges/ superstitem viduam, quae  
IPSAM nepotibus mellitissimis duobus (quaevis vitae proroga-  
tionem, Virtutumque ac Pietatis incrementum a DEO ap-  
precamur maximum,) exhilaravit. En Tibi matrimonium &  
suis respersum voluptatibus, & afflictionum quodam ama-  
rore subinde temperatum. Hoc illud γλυκύπικρον s. *Suavama-  
rum*, de quo sparsim multa Veteres. Habes Comicum, qui,  
*Ita Diis placitum est*, inquit, *Ab eodem culmine voluptas & ei  
maeror comes sequitur.* Habes Apulejum lib. II Florid. qui, *Ver-  
bunt*

bum verum est profecto quod ajunt: Nihil quicquam homini tam letum divinitus datum est, quin ei admixtum sit aliquid difficultatis. Ut etiam in amplissima quaque letitia subsit quæpiam vel parva querimonia, conjugatione quadam mellis & fellis, ut, si quid illud solvit, hoc adstringat. Nimirum ne inescemur terrestribus, & tædio quodam capiamur celestium crucem immittit DEUS. Hæc JESUM dulcescere & mundum amarescere; hæc celum dulce sapere, & terrestria despere facit: Sed ad NOSTRAM. Anno MDC LXIII d. 16 Novembr. privata illa per mortem marito suo, optimo SENIORE, ipsa sibi cœpit esse oneri. Ex hoc turturis adinstar solitariam vitam elegit, & gemebunda domi, velut in oratorio, defedit rarè visa inter plures, nisi ubi Deo proximoque inserviendi oblata est occasio. Virtutum, quibus Paulus viduas, verè & animo tales, ornatas esse vult, studiosissima semper fuit. Speravit in Deo, perseveravit in supplicationibus & precationibus nocte dieque, in operibus bonis idoneo testimonio ornata fuit, sanctorum (sic ubi occasio data) pedes lavit, afflictus subministravit, omne opus bonum assidue fuit sectata I Tim. V Die 26. Febr. anni currentis dextrilateris dolore corripitur lectumve premere cœpit, qui cum adeò usque eam subigeret, ut vires collabascere omnes (mœrore & senio non parùm cooperante) persentisceret, de animæ cura cum primis sollicita per Virum Reverendum & Cl. Dn. M. REMBERTUM Sandhagen / Pastorem Nicolaitanum vigilantissimum, viatico celesti refici voluit, quo refecta d. 3. Martii inter adstantium suspiria piè placideque obdormivit. Vestrum nunc erit, Cives Academici, imprimis ob B. SENIORIS merita in Ecclesiam undiqueque præclara supremum honorem in ducendo Vidua ejus nunc etiam BEATÆ funere prolixè & cumulate præstare. Quod uti faciatis, enixè etiam atque etiam adhortamur.

Convenietur in templo Nicolaitano circa Imam.














inter filias natu maxima Anno M DC XL PE  
 Civi ac Cerevisiario nuptum data BEATAM  
 orum & 3. filiarum aviam fecit. Filiorum nat  
 VID, judicii oppidani, quod est Sverini, Secreta  
 Anno M DC XLVI tori socia foemina lectissima  
 manns/ Beati Danckeri, institoris, dum viver  
 sis superstitute vidua, post decennium elapsu  
 turæ debitum exsolvit, nullis post se relictis h  
 rum altera MARGARETA Anno M DC L in  
 Viri pl. Reverendi & Præclarissimi B. M. THE  
 gebauren/ Diaconi ante paucos annos ad di  
 merentissimi, Viri bonis omnibus desideratiss  
 nostram tribus locupletavit nepotibus nepti  
 Promiserat sibi abs felicissimo hoc Conjugum  
 multum, multumve solati BEATA nostra, s  
 M DC LXI per mortem utroque & coelitibus a  
 pto spe omni, non sine ingenti animi  
 excidit. Erexit tamen animum, novoque sp  
 civit matrimonium, quo Filius ejus VALE  
 vis heic loci ac cerevisarius industrius, Vir  
 Deoq; devotissimus Anno M DC LXII sibi jun  
 mi exempli foeminam, quam si ipsam PIETA  
 vix pecces, DOROTHEAM Prizbaurin / B  
 BALTHASARIS Scharffenberges/ superstit  
 IPSAM nepotibus mellitissimis duobus (que  
 tionem, Virtutumque ac Pietatis increment  
 precamur maximum,) exhilaravit. En Tibi n  
 suis respersum voluptatibus, & afflictionum  
 roresubinde temperatum. Hoc illud γλυκύπ  
 rum, de quo sparsim multa Veteres. Habes  
 Ita Diis placitum est, inquit, Ab eodem culmin  
 moerer comes; sequitur. Habes Apulejum lib, II



ern/  
 fili-  
 DA-  
 a sibi  
 erg-  
 dien-  
 na-  
 ilia-  
 iens  
 roß-  
 ene-  
 AM  
 lem.  
 inis  
 Anno  
 coe-  
 one,  
 fful-  
 Ci-  
 ius,  
 tiffi-  
 tes,  
 RDI  
 quæ  
 oga-  
 ap-  
 m &  
 ma-  
 ma-  
 qvi,  
 by ei  
 Ver-  
 hune